

Sarajevo, 18. mart/ožujak 2011.godine

## Obavijest za medije

**Ispred organizatora konferencije želimo vas informirati o dešavanjima i rezultatima održane konferencije “Izaberimo mir zajedno”.**

Konferencija je održana u Sarajevu 15. marta/ožujka 2011. godine, u organizaciji CRS, Caritas Bk BiH (uz podršku USAID), UNDP, i ICMP s ciljem cilj promoviranja izgradnje mira u Bosni i Hercegovini.

Konferencija je imala za cilj promovirati izgradnju mira u BiH kao temeljne tačke našeg djelovanja, i potaknuti razgovor o potrebama udruženja žrtava, jer relevantne institucije i generalno javnost nisu svjesni veličine ovog problema, i često zaboravljaju obratiti potrebnu pažnju na ovu temu, odnosno populaciju koja se svakodnevno bori sa brojnim poteškoćama.

Konferencija je okupila preko 170 predstavnika/ca udruženja žrtava, organizacija civilnog društva, predstavnika/ca vlasti, i međunarodnih i donatorskih institucija, i imala je za cilj promicanje i prezentaciju trenutnih aktivnosti, kao i dijalog među sudionicama i sudionicama, i definiranje preporuka o daljnjem radu udruženja žrtava na procesu izgradnje mira u BiH. Također, na konferenciji je prezentiran drugi broj Mirovnih novosti koji je posvećen radu udruženja žrtava rata, koji je dostupan na web-stranici [www.mreza-mira.net](http://www.mreza-mira.net).

“Udruženja žrtava, odnosno individualni članovi i članice mogu biti i jesu nosioci poruke pomirenja, kako u svojim lokalnim sredinama tako i u čitavom društvu. Osobe koje su stradale tokom rata najbolje znaju sve negativnosti koje nosi rat, i svojim pozitivnim stavovima mogu biti glasnici pomirenja”, rečeno je na konferenciji.

Na konferenciji su definirane preporuke na četiri teme:

- kako pomoći / unaprijediti rad na tranzicionoj pravdi,
- potrebe udruženja žrtava,
- kako privući donatore, i
- mogućnosti umrežavanja i povezivanja.

Više informacija o konferenciji je dostupno na web-stranici [www.mreza-mira.net](http://www.mreza-mira.net).